

公鑒

孫文

唐紹儀商榷軍政府改爲護法政府及國會宜以國民代表名稱爲國民外交之進

行函

衆議院議員諸公大鑒軍政府改組

公等不以儀愚陋委以總裁重任天職所在義豈容辭猥以羈旅異邦未能就職比者由東返國適值和平論鼓吹最盛之時和平美事也凡屬人類同具有愛好和平之心理况自約法失效以來戰禍綿延一年有幾苟有永保和平之方法吾人方歡迎之不暇豈復有反對之餘地 儀內察吾國輿情外觀世界大勢因有開對等和平會議及和平會議之先不得提出何種條件之主張而軍政府經政務會議議決後亦已有停戰令之發布我護法人士希望和平如此其切護法苦衷自當爲國民及友邦所共諒今者我方表示和平彼乃增兵南下則破壞和平之罪自有尸其責者矣此次歐戰結果世界已入於法理勝利強權萎縮之時期吾人以擁護法理抵抗強權爲宗旨世界潮流所趨終必有最後勝利之一日然儀尤有進者吾人以護法爲號召則立言行事必以法律爲根據民國約

法主權在民

國會諸君民意所寄竊以爲與合法國會並立之機關似不宜有軍政府名稱且恐友邦以軍政府名稱屬於臨時性質并此合法國會且將昧其本來况停戰令已下軍政府似更無存在之必要 鄙意今日雖不必急急於成立正式政府而軍政府名稱似宜改爲護法政府名稱既正庶不致滋友邦之誤會此願與

公等商榷者一也歐戰告終純爲武力失敗民政成功之結果德皇求和者屢矣而美國必以政體改革成立國民政府爲議和條件故國民外交實爲急不容緩之事我中華民國合法國會爲完全代表國民之機關且除此國會以外更無一可以爲代表人民之合法機關

公等負此千鈞一髮之大任值世界平民政治成功之時正宜以國民代表之名稱爲國民外交之進行俾主持平民政治之友邦了解我國內爭之真相則按人道之正義自有相當之援助而無是非之勸告又何自而發生乎此願與公等商榷者二也凡此二事皆爲目前之要圖而與長治久安之計无有密切之關係語曰愚者千慮或有一得狂夫之言聖人所擇區區之見想

公等或不以爲愚謬也相晤匪遙更願

公等有以教之幸甚專此敬頌

議安惟希

亮察不一

唐紹儀謹啓十二月初六日

唐紹儀派代表來粵接洽一切函

衆議院議員諸公大鑒接軍政府來電舉儀爲和議總代表自維駑鈍深懼隕越然大義

所在實不容辭惟當勉竭庸愚爲國盡力茲派易次乾兄代表來粵將鄙見陳明

左右並與

諸公接洽一切尙祈不吝

大教俾獲有所遵循無任感盼肅此敬候

議安

弟紹儀謹啓 十二月十九日

廣東省議會議長宋以梅等因警廳制止開會請將修正議決案迅賜解釋示復函